

Na osnovu člana 25. stav 4. Zakona o Fondu za zaštitu okoliša Federacije Bosne i Hercegovine („Službene novine Federacije BiH“ broj:33/03), Programa utroška sredstava Fonda za zaštitu okoline za 2023. godinu broj: 02-11-5901/23 od 11.04.2023. godine i Instrukcije o utvrđivanju uvjeta, kriterija i postupaka za raspodjelu namjenskih sredstava zaštite okoliša, Ministarstvo za prostorno uređenje, promet i komunikacije i zaštitu okoline Zeničko-dobojskog kantona (u daljem tekstu: Ministarstvo) raspisuje:

JAVNI POZIV
za dodjelu sredstava za realizaciju programa, projekata i srodnih aktivnosti iz oblasti zaštite okoliša za 2023.godinu

I. PREDMET JAVNOG POZIVA

Predmet javnog poziva je prikupljanje prijava za programe/projekte za raspodjelu sredstava koja će se odnositi na sljedeće programske/projektne aktivnosti:

LOT 1 - Pomoć općinama/gradovima/komunalnim preduzećima/preduzećima za zbrinjavanje komunalnog otpada Zeničko-dobojskog kantona u postupku zbrinjavanja komunalnog otpada (izgradnja novih sadržaja, rekonstrukcija postojeće infrastrukture, nabavka opreme i sl.)

- Planirani budžet: 710.000,00 KM

Ovaj Lot podrazumijeva sufinansiranje/finansiranje projekata koji se odnose na pružanje pomoći općinama/gradovima/komunalnim preduzećima/ preduzećima za zbrinjavanje komunalnog otpada Zeničko-dobojskog kantona u realizaciji projekata koji se odnose na aktivnosti kojima se doprinosi uspostavi odgovarajuće infrastrukture za prikupljanje i zbrinjavanje komunalnog otpada pri deponijama i općinskim odlagalištima - izgradnja pretovarnih stanica i drugih sadržaja namijenjenih selektiranju, recikliranju komunalnog otpada i odlaganju na uređenu regionalnu deponiju, rekonstrukciji postojeće infrastrukture, nabavci opreme i sl.

Cilj projekta i potencijalni korisnici sredstava:

U cilju realizacije Plana upravljanja otpadom Zeničko-dobojskog kantona, Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, kao i Strategije razvoja Zeničko-dobojskog kantona za period 2021.-2027. godina, potrebno je pružiti pomoć općinama/gradovima koje odlažu ili planiraju odlaganje otpada na Regionalnu deponiju „Mošćanica“ odgovarajućim okolišno prihvatljivim metodama sa definiranim mjerama. Upravljanje komunalnim otpadom podrazumijeva uspostavu odgovarajuće infrastrukture za prikupljanje i zbrinjavanje komunalnog otpada pri deponijama i općinskim odlagalištima - izgradnju pretovarnih stanica i drugih sadržaja namijenjenih selektiranju, recikliranju komunalnog otpada i odlaganju na uređenu regionalnu deponiju, rekonstrukciju postojeće infrastrukture, nabavku opreme i sl. Ove aktivnosti moraju biti praćene i organizovanim sistematskim tehničkim i finansijskim mjerama programima i projektima.

Projektima koje apliciraju na javni poziv, gradovi/općine/ komunalna preduzeća/ preduzeća za zbrinjavanje komunalnog otpada moraju nastojati da provođenjem navedenih aktivnosti doprinesu intenzivnom ulaganju u sektor upravljanja otpadom i na taj način stvaranju preduvjeta za uspostavu održivog integralnog sistema upravljanja otpadom na području kantona u skladu sa Planom upravljanja otpadom Zeničko-dobojskog kantona („Službene novine Zeničko-dobojskog kantona“ broj:1/09).

Maksimalni iznos sredstava koja se mogu dodijeliti po projektu je 100.000,00 KM.

LOT 2 - Pomoć općinama/gradovima / komunalnim preduzećima Zeničko-dobojskog kantona u postupcima održavanja i sanacije postojećih općinskih odlagališta, finansiranju transportnih troškova za najudaljenije općine u odnosu na regionalnu deponiju, čišćenja obala rijeka, čišćenja i sanacije divljih deponija i sl.

- **Planirani budžet: 300.000,00 KM**

Ovaj Lot podrazumijeva sufinansiranje/finansiranje projekata koji se odnose na pružanje pomoći općinama/gradovima i komunalnim preduzećima Zeničko-dobojskog kantona u realizaciji projekata koji se odnose na aktivnosti održavanja i sanacije postojećih općinskih odlagališta, finansiranju transportnih troškova za najudaljenije općine u odnosu na regionalnu deponiju, čišćenja obala rijeka, čišćenja i sanacije divljih deponija i sl.

Cilj projekta i potencijalni korisnici sredstava:

U cilju realizacije Plana upravljanja otpadom Zeničko-dobojskog kantona, Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, kao i Strategije razvoja Zeničko-dobojskog kantona za period 2021.-2027. godina, potrebno je kroz aktivnosti praćene organizovanim sistematskim tehničkim i finansijskim mjerama i programima pružiti pomoć općinama/gradovima i komunalnim preduzećima pri uspostavi održivog integralnog sistema upravljanja otpadom koji podrazumijeva planiranje ulaganja u sektor upravljanja otpadom. Potrebno je da projektima koje apliciraju na javni poziv, gradovi/općine i komunalna preduzeća provedu aktivnosti koje se odnose na održavanje i sanaciju postojećih općinskih odlagališta, kao i sve aktivnosti vezane za čišćenje obala rijeka i čišćenje i sanaciju divljih deponija i sl.

Pomoć općinama u upravljanju komunalnim otpadom podrazumijeva i pomoć u finansiranju transportnih troškova za najudaljenije općine u odnosu na regionalnu deponiju.

Maksimalni iznos sredstava koja se mogu dodijeliti po projektu je 50.000,00 KM.

LOT 3 - Projekti iz oblasti zaštite okoliša na području Zeničko-dobojskog kantona:

- **Planirani budžet: 100.000,00 KM**

Ovaj Lot podrazumijeva sufinansiranje/finansiranje projekata koji se odnose na poticanje izbjegavanja nastajanja otpada, selektivno prikupljanje, recikliranje, ponovnu upotrebu i obradu otpada, korištenje alternativnih izvora energije u cilju smanjenja zagađenja okoliša, jačanje ekološke kulture građana itd. Podržavanjem apliciranih projekata propagira se zaštita okoliša i podizanje svijesti građana o potrebi okolišno održivog ponašanja.

Cilj projekta/programa i potencijalni korisnici sredstava:

U cilju realizacije Akcionog plana Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina i Strategije razvoja Zeničko-dobojskog kantona za period 2021.-2027. godin, neophodno je intenzivirati mjere na razvijanju i jačanju ekološke kulture i svijesti građana, na način da se propagira zaštita okoliša i potreba okolišno održivog ponašanja.

Potrebno je ostvariti partnerski odnos i saradnju sa neprofitnim organizacijama (nevladinim organizacijama i udruženjima građana), uz podržavanje apliciranih projekata kojima se propagira oblast zaštite okoliša i podizanje svijesti građana o potrebi okolišno održivog ponašanja.

Između ostalog, potrebno je kreirati i implementirati niz kvalitetnih projekata iz oblasti zbrinjavanja otpada, smanjenja zagađenja zraka, zaštite prirode i prirodnih bogatstava, vode i tla, uključujući što veći broj građana kroz medijske kampanje, edukativne i promotivne aktivnosti i rad na terenu. Korisnici sredstava mogu biti neprofitne organizacije (nevladine organizacije i udruženja građana).

Maksimalni iznos sredstava koja se mogu dodijeliti po projektu je 5.000,00 KM.

II. USLOVI KOJE PODNOSITELJI PRIJAVE MORAJU ISPUNJAVATI

Pravna lica kojima se dodjeljuju finansijska sredstva (u daljem tekstu: Korisnici) moraju ispunjavati sljedeće uslove:

1. Da imaju sjedište na području Zeničko-dobojskog kantona
2. Da aplicirane projekte realiziraju/implementiraju na području Zeničko-dobojskog kantona,
3. Podnesu zahtjev za korištenje finansijskih sredstava u skladu sa objavljenim Javnim pozivom,
4. Da su dostavili izvještaj o utrošku finansijskih sredstava, dodijeljenih po ranijim javnim pozivima ovog Ministarstva.
5. Udovoljavaju i drugim uslovima utvrđenim Javnim pozivom,

Prijave programa/projekata Korisnika dostavljaju se na posebnom prijavnom obrascu i treba da sadrže:

1. Ime aplikanta/podnositelja prijave,
2. Naziv i opis projekta,
3. Finansijske podatke o projektu koji je predmet prijave,
4. Ciljeve projekta,
5. Aktivnosti koje će se provesti da bi se postigli postavljeni ciljevi,
6. Dinamiku provođenja projekta,
7. Finansijsku analizu,
8. Opis očekivanih rezultata projekta,
9. Mjerljivost ostvarenja ciljeva koji se postižu realizacijom predloženog projekta,
10. Monitoring i evaluaciju projekta.

Ostali uslovi koje podnosioci prijave moraju ispunjavati:

- Aplikant na jedan LOT može konkurisati samo jednim projektom.
- Ukoliko aplikant na jedan LOT prijavi više projekata svi prijavljeni projekti će biti odbačeni.
- U koverti može biti samo jedan projekt. Ukoliko jedna koverta sadrži više projekata, aplikacija se odbacuje.

Neće se razmatrati prijave aplikanta:

- Koji su dobili finansijsku pomoć od ovog Ministarstva, a nisu ispunili obavezu pravdanja dodijeljenih sredstava,
- Koji ne dostave dokumentaciju za dokazivanje ispunjavanja uvjeta iz tačke 4. javnog poziva i koji ne razrade projekat kako je definirano tačkom 2. javnog poziva,
- Čiji su projekti, programi ili aktivnosti napravljeni u korist članova neprofitnih organizacija (nevladinih organizacija i udruženja) u iznosu većem od 10% ukupnog budžeta projekta (troškovi vođenja, menadžera, koordinatora projekta) i čiji administrativni troškovi (režije, telefonski troškovi, kancelarijski materijal, bankovni troškovi, usluge knjigovodstvenog servisa, najam kancelarije, gorivo za prevoz i slično) na projektu prelaze 10% ukupnog budžeta projekta - odnosi se samo na LOT 3
- Ukoliko je obrazac projekta neuredan, specifikacija troškova nije detaljno razrađena i sl.

III. PRAVO UČEŠĆA

Pravo učešća u javnom pozivu imaju sve općine i gradovi, komunalna preduzeća, preduzeća za zbrinjavanje komunalnog otpada, neprofitne organizacije (nevladine organizacije, udruženja građana), kako slijedi:

LOT 1: Jedinice lokalne uprave (gradovi i općine), komunalna preduzeća, preduzeća za zbrinjavanje komunalnog otpada,

LOT 2: Jedinice lokalne uprave (gradovi i općine), komunalna preduzeća,

LOT 3: Neprofitne organizacije (nevladine organizacije, udruženja građana),

IV. POTREBNA DOKUMENTACIJA

Sredstva iz Javnog poziva dodjeljuju se na osnovu zahtjeva i obavezne dokumentacije. Svi dokumenti koji se predaju uz zahtjev kao osnovna dokumentacija moraju biti originali ili ovjerene kopije.

Posebna dokumentacija mora biti pregledna, vjerodostojna i tehnički korektna.

Nekompletni zahtjevi se neće razmatrati.

Dokumenti koji se šalju na Javni poziv se ne vraćaju aplikantu.

Aplikanti moraju projekat realizirati na području Zeničko-dobojskog kantona.

Obavezna dokumentacija mora sadržavati:

- Prijavu projekta na Javni konkurs - popunjen i potpisan obrazac od strane odgovornog lica (preuzima se sa web stranice: www.zdk.ba/javni-pozivi).
 - Ovjerenu izjavu o namjenskom trošenju sredstava (ovjerena kod nadležnog organa uprave ili notara), ne stariju od mjesec dana od dana prijave na Javni poziv, (preuzima se sa web stranice: www.zdk.ba/javni-pozivi).
 - Ako se radi o sufinansiranju, ovjerenu izjavu o visini sredstava s kojima će aplikant učestvovati u sufinansiranju realizacije projekta koji predlaže (ovjerena kod nadležnog organa uprave ili notara), ne stariju od mjesec dana od dana prijave na Javni poziv, (preuzima se sa web stranice: www.zdk.ba/javni-pozivi).
 - Projektno tehnička dokumentacija - Izvod iz Idejnog projekta ili Glavnog projekta, postojeće saglasnosti, dozvole, te druge tehničke specifikacije – samo za LOT 1, (obične kopije).
 - Detaljan opis projekta po fazama kao i svih projektnih aktivnosti i dinamike realizacije – samo za LOT 2 (potpisan i ovjeren od strane aplikanta).
 - Dokaz o registraciji aplikanta kod nadležnog suda iz kojeg je vidljivo sjedište aplikanta na području Zeničko-dobojskog kantona (aktuelni izvod iz sudskog registra ili sudsko rješenje o izmjenama podataka) - odnosi se na pravna lica, izuzev jedinica lokalne samouprave, ne stariji od šest mjeseci od dana prijave na Javni poziv – samo za LOT 1 i LOT 2, (original ili ovjerena kopija).
 - Izvod iz Rješenja o upisu u Registar neprofitne organizacije (nevladine organizacije, udruženja građana) iz kojeg je vidljivo sjedište aplikanta na području Zeničko-dobojskog kantona ne stariji od dva mjeseca od dana prijave na Javni poziv– samo za LOT 3, (original ili ovjerena kopija)
 - Uvjerenje o poreskoj registraciji - ID broj i PDV broj ukoliko su PDV obveznici, original bez ograničenja vremenskog trajanja ili ovjerene kopije (ovjera ne starija od tri mjeseca od dana prijave).
- **Dokumentacija se čvrsto uvezuje (ukoričena u fasciklu ili uvezana jemstvenikom) na način da se onemogućí naknadno vađenje ili umetanje listova. Stranice (listovi) dokumentacije se označavaju brojem na način da je vidljiv redni broj stranice (lista). Numeracija stranice se vrši tako da svaka stranica bude upisana na način "X/Y, a gdje X predstavlja broj konkretne stranice, a Y konačni /ukupni broj svih stranica prijavne dokumentacije.**

- Dokumentacija koja ne bude uvezana i numerisana na prethodno navedeni način neće biti uzeta u razmatranje i smatrat će se formalno-pravno neispravnom.

V. OSNOVNI KRITERIJI ODABIRA

- **Kriteriji za evaluaciju i izbor projekata Pomoć općinama/gradovima/komunalnim preduzećima/ preduzećima za zbrinjavanje komunalnog otpada Zeničko-dobojskog kantona u postupku zbrinjavanja komunalnog otpada (izgradnja novih sadržaja, rekonstrukcija postojeće infrastrukture, nabavka opreme i sl.) – LOT 1**

1. Pripremljenost projekta (pripremljenost tehničko-tehnološke dokumentacije, postojeće saglasnosti i dozvole, stepen pripremljenosti za početak radova, itd.).
2. Usklađenost planiranih aktivnosti sa akcionim planom Kantonalnog ekološkog akcionog plana zaštite okoliša Zeničko-dobojskog kantona, Planom upravljanja otpadom Zeničko-dobojskog kantona i Strategijom razvoja Zeničko-dobojskog kantona.
3. Efekti na okoliš i stanovništvo koji se postižu realizacijom predloženog projekta.
4. Rok realizacije projekta
5. Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona.
6. Obezbjedenje sredstava od strane korisnika u odnosu na ukupno potrebnu finansijsku konstrukciju (sufinansiranje projekta).

- **Kriteriji za evaluaciju i izbor projekata Pomoć općinama/gradovima / komunalnim preduzećima Zeničko-dobojskog kantona u postupcima održavanja i sanacije postojećih općinskih odlagališta, finansiranju transportnih troškova za najudaljenije općine u odnosu na regionalnu deponiju, čišćenja obala rijeka, čišćenja i sanacije divljih deponija i sl. – LOT 2**

1. Pripremljenost projekta (detaljan opis projekta po fazama kao i svih projektnih aktivnosti i dinamike realizacije)
2. Usklađenost planiranih aktivnosti sa relevantnim strateškim dokumentima i prioritetnim područjima.
3. Referentna lista već implementiranih sličnih projekata.
4. Stepenn povoljnog uticaja na okoliš i održivost projekta (očekivano poboljšanje kvaliteta okoliša, širi korisni uticaj projekta na okruženje i sl.).
5. Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona.
6. Obezbjedenje sredstava od strane korisnika u odnosu na ukupno potrebnu finansijsku konstrukciju (sufinansiranje projekta)

- **Kriteriji za evaluaciju i izbor projekata iz oblasti zaštite okoliša- LOT 3**

1. Pripremljenost projekta/detaljan opis projekta u skladu sa zahtjevanim sadržajem programa.
2. Referentna lista već implementiranih sličnih projekata, odnosno projekata iz oblasti zaštite okoliša koja treba sadržavati naziv projekta, godinu implementacije, donatora sredstava, mjesto implementacije projekta.
3. Rokovi za realizaciju projekta.
4. Uključenje većeg broja volontera
5. Obezbjedenje sredstava od strane korisnika u odnosu na ukupno potrebnu finansijsku konstrukciju (sufinansiranje projekta)
6. Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona.

VI. VREDNOVANJE PROJEKATA

Vrednovanje i rangiranje projekata pristiglih na Javni poziv vršit će posebna komisija koju imenuje ministar Ministarstva za prostorno uređenje, promet i komunikacije i zaštitu okoline Zeničko-dobojskog kantona.

Komisija razmatra zahtjeve i dokumentaciju zaprimljenu na osnovu Javnog poziva, ocjenjuje ispunjenost uslova i kriterija za odobravanje projekta i prijedlog dostavlja ministru koji donosi konačnu Odluku o korisnicima sredstava.

Odluka o odabranim korisnicima će biti objavljena na službenoj web stranici Zeničko-dobojskog kantona i smatrat će se obavještenjem i za aplikante kojima nisu odobrena sredstva.

Sredstva planirana ovim Javnim pozivom realizovat će se isključivo u skladu sa procentom realizacije ostarenih javnih prihoda u Budžetu Zeničko-dobojskog kantona i Zaključkom kojim se daje saglasnost na Program utroška sredstava Fonda za zaštitu okoline broj: 02-11-5901/23 od 11.04.2023. godine.

Prije donošenja konačne odluke o odabiru ministarstvo zadržava pravo da od predlagača projekata traži dodatna pojašnjenja dokumentacije, kao i pravo odbijanja pristiglih projekata bez posebnog obrazloženja.

Sa odabranim predlagačima zaključit će se ugovor o međusobnim pravima i obavezama u realizaciji projekta koji se finansira/sufinansira.

Visina sredstava pojedinačno zaključenih ugovora, ovisit će o stepenu ostarenja priliva namjenskih sredstava, a sve u skladu i na način utvrđen tačkom II. Zaključka kojim se daje saglasnost na Program utroška sredstava Fonda za zaštitu okoline broj: 02-11-5901/23 od 11.04.2023. godine.

Nakon završetka projekta odabrani predlagači su dužni dostaviti izvještaj o namjenskom korištenju dobivenih sredstava, (*preuzima se sa web stranice: www.zdk.ba/javni-pozivi*).

VII. OPĆE ODREDBE

Prijava za učestvovanje s obaveznom projektnom dokumentacijom dostavlja se lično ili putem pošte na adresu:

Ministarstvo za prostorno uređenje, promet i komunikacije i zaštitu okoline, Kučukovići br. 2, 72000 Zenica.

Prijava se dostavlja u zatvorenim neprovidnim kovertama sa naznakom:

„Ne otvaraj - Prijava na Javni poziv LOT br. “.

Rok za podnošenje prijava je 19.05. 2023.godine.

Nepotpune i neblagovremene prijave, kao i prijave koje se ne odnose na predmetne programe i koje nisu u skladu sa definiranim uslovima ovog Javnog poziva neće se uzimati u razmatranje.

Javni oglas će biti objavljen na web stranici Vlade Zeničko-dobojskog kantona, „Službenim novinama Zeničko-dobojskog kantona“ i listu NIPD „Naša riječ“.

Prijavni obrazac, kao i obrsci Izjava o sufinansiranju i namjenskom utrošku sredstava mogu se preuzeti na službenoj web stranici Vlade Zeničko-dobojskog kantona.

Sve dodatne informacije vezano za Javni poziv mogu se dobiti svakim radnim danom putem e-maila: min.prostorno@zdk.ba.

Broj: 12-19-5901-JP/23

Zenica, 18. 04. 2023.godine

